

金華府志

(三)

金華府志卷之十六

人物二

新寧縣志卷之十六
人物二

新寧縣志卷之十六
人物二

紀伊小原八三郎
源良直藏書之記

宋宗澤

字汝霖義烏人自幼有大志登元祐六年進士第調館陶尉歷龍游膠水趙城令改知掖縣差

通判登州忤道士得倖用事者褫職羈置鎮江尋監鎮江酒稅靖康元年用薦者假宗正少卿充和

議使澤奏名不正改計議便衆謂澤方剛難合而止除秘閣知磁州從羸卒十餘人單騎之官至則

治城池修器械廣儲盈募敢勇為必守計且條畫邊防及勤王策進秘閣修撰河北義兵都總管康

王再使金過磁澤力止之王遂回相州有詔以澤為副元帥加集英殿修撰從王起兵入援澤自將

兵與金人數十戰皆有功王承制除徽猷閣待制方進兵臨濮而京城不守矣金人逼二帝北行澤

即引兵趨滑抵大名將徑渡河據其歸路邀還之
而勤王之兵無一至者又聞張邦昌僭位即欲先
行誅討乃還軍衛南且上書高宗勸進建炎元年
五月高宗即位南京趨詣行在所入對涕泣沾臆
陳興復大計踰千言且曰願陛下下一怒以安天下
之民臣雖鴛鴦當冒矢石為諸將先得捐驅報國
家志願足矣高宗壯其言擢龍圖閣學士知襄陽
府時方議割河東北蒲解地上疏諫止改知青州
尋知開封府宣布恩威豪強歛縮盜賊並竄河東
王善最為巨寇澤單騎說降王再興李貴楊進王
大郎等皆相繼降即上疏乞車駕回京時欲幸維
揚金陵澤復以諫疏不聽遷延康殿學士京城留
守兼開封尹金人自鄭州抵白沙距京纔數十里
將部伍乘城澤命鮮甲歸休毋事張皇時已遣將
劉衍率兵在外大敗虜衆又遣王宣敗虜滑州進
資政殿學士既至修宮禁治城壁增武備結連諸

路義兵燕趙豪傑京城內外所屯兵實百八十萬
方尅日大舉渡河前後二十餘疏力請上還為黃
潛善汪伯彥等所沮憂憤疽發於背諸將入問疾
矍然起曰吾以二帝蒙塵至此汝等能殲滅醜虜
吾死何恨衆皆流涕曰敢不盡力諸將出澤嘆曰
出師未捷身先死長使英雄淚滿襟遂薨是日風
雨晝晦臨終無一語及家事但連呼渡河者三時
年七十贈觀文殿學士通議大夫謚忠簡澤薨數
日間將士散去者十五六都人憂之相與請于朝
言澤子頴嘗居戎幕得將士心宜用以卒父功
杜充已除留守乃以頴為秘閣番守判官充反澤
所為頴屢爭之不從尋請持服歸自是豪傑義士
悉皆散去而中原不守矣頴後
為兵部郎中諸孫皆用廕補官

王師心

字與道金華人登政和八年進士調海州沐
陽縣尉敗副賊宋

政和八年

進士調海州沐

沙縣政事詳明累遷太府丞樓炤使陝西辟為幹
辦公事進權工部侍郎充賀金國生辰使還除知
袁州時秦檜方用事監司郡守皆爭獻羨餘以希
進師心獨取以代貧民逋租改知衢州通判遷知
洪州充江南西路安撫使轉運判官張常訐前帥
張宗元所與張浚詩言于朝欲併中傷之詞所連
及者百餘家師心隨宜收庇多賴以免會檜死事
息召還除戶部侍郎奏宜塞倖門開言路生財不
如節用上勞問甚渥且曰卿以不附秦檜故去國
久朕知卿未嘗忘也遷權吏部尚書兼侍讀進讀
三朝寶訓終篇前後進見從容盡規者非一浙東
水災充兩浙安撫使特虜將淪盟師心蚤夜憂念至忘
寢食條上求人才通下情擇將帥等事言甚剴切
乾道初以左奉議大夫致士卒後謚莊敏

樓炤

字仲暉永康人登政和間進士第調大名府戶曹參軍遷尚書考功員外郎高宗在建康炤言

今日之事當思古人量力之言察兵家知己之計力可以保淮南則以淮南為屏蔽權都建康漸圖恢復力未可以保淮南則因長江為險阻權都吳會以養國力於是移蹕臨安擢右同郎中銓曹嘗患員多缺少自倅貳以下多添差炤言光武併省吏員今縱未能損其所素有又安可置其所本無乎紹興二年召朱勝非為侍講罷給事中胡安國炤與程鳴等言勝非不可用安國不當謫皆落職六年召為左司員外郎尋遷殿中侍御史明年遷起居郎言監司郡守係民甚切乞令侍從官各舉通判資序或曾任監察御史以上可任監司郡守者一二人詔從之復因事請外以直秘閣知温州未幾除中書舍人尋遷給事中兼直學士院九年以金人來和降詔肆赦其文炤具草也有曰乃上

穹開悔禍之期而大金報許和之約割河南之境
土歸我與圖賊宇內之干戈用全民命進兼侍讀
除端明殿學士簽書樞密院事繼命往陝西宣諭
德意紹奏京城統制吳革死於范瓊知環州田敢
成忠郎盧大受死於劉豫乞賜褒恤以表忠義紹
至長安會李世輔自夏欲歸朝紹以書招之世輔
以二千人赴行在所賜名顯忠以親老求歸省于
明州命給假迎侍仍賜以金幣十四年以資政殿
學士知紹興府過闕入見除簽書樞密院兼叅知
政事尋為李文會詹大方劾罷與起知宣州徙
廣州未行而卒
後賜謚襄靖

鄭剛中

字亨仲金華人紹興二年進士第三人調溫
州判官賑饑得法用秦檜薦為敕令所剛定

官累升尚書右司員外郎時秦檜主和議剛中為
陳厲不可信不聽擢監察御史遷殿中侍御史抗

疏修奏和議利害甚詳及明銓上書欲斬秦檜常
怒檜且不測剛中率同列論收銓得編置移宗正
少卿遷秘書少監檜出諭京陝辟充叅謀官還
除禮部侍郎再擢樞密直學士出為川陝宣諭使
尋充陝西分畫地界使金使烏陵贊謀將至剛中
出關迎之與金使反覆爭詰辨難終全皆成牴牾
又秦商之半列險據要蜀賴以安就除端明殿學
士四川宣撫使宣司舊治河池餽餉不繼剛中移
治利州省費百萬又奏蠲雜征請減對羅及宣撫
司激賞時蜀中勁卒十萬都統吳玠楊政郭浩已
加三少皆驕悍難制剛中每折之以威接之以恩
無不帖服初議移屯楊政不從剛中呼政語曰我
雖書生誠不畏死聲色俱厲政遂聽命虞允文嘗
曰允文與諸將往來見其私居言動罔不忌憚如
家有一鄭宣撫在焉剛中在蜀凡六年儲蓄豐積
將士用命虜不敢犯當時人每與宗忠簡同稱曰

宗某如猛虎之在北鄭某如伏熊之在西其見推
皇如此秦檜見蜀中富饒諷使進金三萬兩又令
下錢米荆門剛中曰今時講和正為他時恢復計
要當息民儲備為先皆不從檜不悅令御史汪勃
奏置四川財賦總領官以趙不棄為之不隸宣撫
司因令刺求剛中陰事會虜索北人在南者檜悉
遣之蜀門有義勝一軍首領李謹等十四人皆驍
勇剛中以其番蜀久縱之必生患悉斬之檜怒其
專召剛中還文致其罪罷職謫桂陽軍居住丹徒
封州卒檜死後追復原官謚曰忠愍所著有北山
集周易窺餘經史專
音撮碎烏有等編

潘良貴

字義榮一字子賤金華人以上舍釋褐為璧
雍博士遷秘書郎蔡京父子欲引致良貴謝

絕之除主客郎中尋提舉常平靖康初召還欽宗
賜對良貴極言何鼎唐恪等不可用當國者不悅

黜監信州高宗召為左司諫請誅叛命偽黨又乞
封宗室以壯國體巡幸維揚養兵威以攝恢復汪
黃惡之改除工部良貴以不得其言求去生管明
道宮越數年除考功郎宰相呂頤浩謂曰旦夕相
引入兩省良貴正色曰親老欲乞外退語人曰宰
相握手密語先示私恩若士大夫受其牢籠何以
立朝即日乞補外知嚴州未幾請祠起為中書舍
人拜光侍郎向子諲以修撰提舉太平觀起知明
州除待制提舉明道宮歸十年不出李光得罪以
通書坐降三官竄貴剛介清苦壯老一節出入三
朝前後在官不過八百六十餘日為博士時王黼
張邦昌俱欲妻以女拒之晚年家居貧甚所居僅
蔽風雨郭外無尺寸之田經界法行以丘墓之寄
輸帛數尺而已秦檜諷令求郡良貴不屑有雜著
十五卷朱子為序極其推重有曰清明直諒確然
無欲真可謂剛毅近仁者又曰三戒文磨鏡帖切

中學者之病卒年五十七詳宋燕年譜

章服

字德文永康人紹興二年進士授青田縣尉累遷朝奉郎用魏良臣薦除兩浙提舉市舶公事

自常俸外例所可得者一不取然對人亦不輒非前例轉朝請郎差知建州軍糧久不給軍情洶洶爭走訴馬前時庫錢不能三萬緡服徐諭之曰汝輩第歸營得一月當次第給矣立案稅籍得豪民奸胥要領及期軍用沛然於是省教條寬科率與吏民相安於法守而州以大治連遭父母喪服闋除知鄂州州額父租纔五千上供至萬斛他須稱是服視酒稅籍得贏錢立辦人以爲神而服乃賊焉若不自得也改提舉兩浙常平召除吏部員外郎再遷侍御史上疏言祖宗之大仇未報中原之故地未復嘗膽之志可少忘乎歡好常敗於變詐師旅或興于無名軟血之好可久恃乎至于淮堧

瘡痍江浙飢饉邦財未裕軍政久隳士風壞于奔
競朝綱撓於私曲此皆當今急務不宜以偃兵而
置度外也又上言願以財賦邊備二事專委大臣
集群臣之說參訂其可行者初朝廷常揀諸路廂
禁衛軍就閤行在所籍為忠勇軍約以防秋遣還
所在郡父畱未遣軍人不堪相率詣臺自言服為
移牒樞密院不報即上言足食足兵為政之先務
聖人以為必不得已則去兵去食而信終不可去
今固兵而失信無乃不可上語服曰此軍朕所自
閱費不知限數而欲盡遣耶服曰臣所不知也臣
所知者人情事體耳上曰然則當盡逃乎服曰
逃數雖可掩而人人心動一旦空營迸裂不拊則
廢法捕之則相率旅拒損威失體重為天下笑上
曰當與大臣議之數日服又上言今逃數已不可
掩急遣又患無及上曰前日議猶未定服曰議未
定者是不可之辭也臣言不行無所逃罪重為朝

廷惜此舉動爾樞臣迎合聖意得無悔乎上頷之
曰更當徐議虞允文時知樞密院事一日召戚方
議之事復寢一軍竄逃無留者又相與拒闕不可
捕將校以下皆貶官而方獨放罪服遂上章併劾
允文挾私任情連章不已允文竟罷去中官梁彥
俊幹辦皇城司轉官不行臺謝服劾其廢法彥俊
坐論贖會服除吏部侍郎辭免彥俊摘其章有不
遜語上大怒謫罷汀州居住汀七年杜門觀書
世念泊如也得旨放還提舉江州太平興國宮卒
年六十八所著有論語孟子群各三卷易解二卷
古律詩二卷
章休淳熙甲辰進士歷官古文殿修撰特陳賈議
貶道學休與劉光祖極論道學之正光宗嘉納及
趙如愚罷相休復與章穎抗疏劾侂冑上罷官
歸寶慶間召為宗正少卿兼侍講卒贈少師所著
有疑塵集

章靖咸淳末都城失守浙東諸郡多陷時衢益二
王在福州靖念自祖服以來世受國恩與弟望慎
家貲募忠勇得義兵數千收復婺城制置使李珪
以聞授靖直秘閣知婺州堅主管官誥通判衢州
與元兵力戰於丁鼠山援絕城陷靖與堅皆死之
永嘉吳洪為傳其事贊曰靖兄弟少有文名晉滯
下僚卒以孤忠自奮殉國
忘身功雖不就其忠實乎

賈廷佐

字子野其先真定人博學多聞剛毅有大節
宣和二年入太學會金人犯闕隨父淵扈

南渡遂家于東陽登紹興二年進士除左迪功郎
嚴州桐廬縣主簿時金遣使張通古偕王倫南來
以詔諭江南為名廷佐一再上書累數千言劇論
讐耻之不可忘名分之不可貶和約之不可信請
誅王倫拘虜使決意用兵其詞旨剴切大略與胡
銓同以官卑適不為秦檜所忌幸免竄逐累官大

理司直通判湖州台州遷詳定司敕令所刪定官
後知處州遂致其事卒贈朝奉大夫謚著有善願
集愚齋雜著若干卷曾孫昉之字成甫幼穎悟日
記數千言從永嘉諸老游嘉泰中登進士仕終台
州黃岩令所著有押
齋集及記纂淵海

王師愈

字與正幼時潘良貴令賦竹詩有願堅松栢
操同保歲寒心之句良貴異之年十二以書

論為文養氣之法召門下親教之又從楊時及呂
居仁知中原文獻之傳登紹興戊辰進士與朱熹
同年游張呂間以聖賢之言為必不可行師友之論
為必不可信初調建州崇安尉母喪不行授臨江學
教授知嚴州歷知信州乾道中召除金部郎官兼
崇政說書召見言事御札俾條奏嘗稱其有諫官
御史才尚書楊俊陰附執政欲督諸郡積逋以償
內府貸銀師愈以為罔上優民持不可罷知杭州

後除浙江點刑獄丐祠卒階至中奉大夫直煥
閣爵金華開國男其為政仁恕而綱目整齊所
賑荒裕民繩妖巫懾驕兵擒妖賊皆卓可傳斥
二十年人皆以不究用為恨子瀚孫柏呂祖儉
其行朱熹為作墓志稱其有本
有文德望隱然為東州之重

范溶

字茂寬賢良浚之兄以祖任為郊社齋郎歷司
理士曹知歷陽武康二縣權通判饒州溶練熟

吏事於決獄尤詳明三為刑官再治邑皆以平恕
稱在澶淵日有毆婦人傷甚者四十九日而婦人
死曰破骨法限五十日而創傷辜不踰月今四十
九日矣脫不破骨能無冤乎生固不容剔肌以辨
今死且腐骨可驗也驗之實止創傷遂得不死武
康父老訴前令定物力溢故數錢千百十餘萬科
輸不前欲更之吏白板已上郡須三載可改曰是
困吾民一日不可可三年乎立除其十之二繼列